



Adresseinformasjon fylles inn ved ekspedering.  
Se mottakerliste nedenfor.

Dato: 06.02.2020  
Vår ref: 15/00578-16  
Deres ref:

## **Tildeling av driftskonsesjon etter minerallova for Løset masseuttak i Volda kommune. Tiltakshavar: Rasmus Løset (enkeltpersonforetak)**

Leiv Erikssons vei 39  
Postboks 3021 Lade  
N-7441 Trondheim

TELEFON + 47 73 90 46 00  
E-POST post@dirmin.no  
WEB www.dirmin.no

GIRO 7694.05.05883  
SWIFT DNBANOKK  
IBAN NO5376940505883  
ORG.NR. NO 974 760 282  
  
SVALBARDKONTOR  
TELEFON +47 79 02 12 92

### **1. Tildeling av driftskonsesjon**

Direktoratet for mineralforvaltning med Bergmeisteren for Svalbard (DMF) visert til søknaden om driftskonsesjon datert 10. mars 2015 fra Rasmus Løset (enkeltpersonforetak) med organisasjonsnummer 881 895 412. Rasmus Løset (enkeltpersonforetak) med organisasjonsnummer 881 895 412, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Løset uttak på eigedomen gbnr. 93/1 i Volda kommune. Mineralførekomenstn hører til kategorien mineral som grunneigaren eig.

Konsesjonsområdet har eit areal på kring 6,9 dekar og går fram av kart i vedlegg 1.

Omsøkt område er regulert til steinbrudd/massetak i «Reguleringsplan for massetak og industri på gbnr. 93/1 og 93/2 i Bjørkedalen – Volda», datert 29. april 2010.

**Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.**

### **2. Vilkår for driftskonsesjonen**

Konsesjonen blir gjeven på desse vilkåra:

#### **2.1. Driftsplan**

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

## **2.2. Økonomisk sikkerheit**

Tiltakshavaren blir pålagd å stille økonomisk sikkerheit med NOK 440 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, se vedlegg;
- (ii) lagt fram påkravsgaranti frå bank som DMF vurderer som tilfredsstillande, se vedlegg;
- (iii) etablert pantet til fordel for DMF, jf. pantelova §§ 4-4 til 4-6, se vedlegg.

## **2.3. Bergteknisk ansvarleg**

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

## **2.4. Andre vilkår**

Den regulerte føremålgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

## **3. Godkjenning av driftsplan**

DMF godkjenner driftsplanen for Løset masseuttak. Den godkjende versjonen av driftsplanen ligg ved dette konsesjonsvedtaket.

## **4. Høyringsfråsegner med kommentarar frå DMF**

Søknaden om driftskonsesjon har vore på høyring, jf. forvaltningslova § 17, hos høyringsinstansane lik adresselista i vedtaksbrevet.

Høyringsperioden var frå 24. oktober 2019 til 21. november 2019.

DMF har motteke høyringsfråsegn frå Volda kommune, Møre og Romsdal Fylkeskommune, Fylkesmannen i Møre og Romsdal, Statens Vegvesen Region Midt og Norges vassdrags- og energidirektorat (NVE).

Frå høyringsfråsegnene har DMF merkt seg dette:

Volda kommune:

Volda kommune syner til søknad om driftskonsesjon etter minerallova for Løset i høyringsbrev datert 24.10.2019.



Vi føreset at drifta vert gjort etter dei føringane som ligg føre i føresegnene og plankart i reguleringsplan for masseuttak på Løset (plan ID 1519-2010007, vedlagt). Vi vil gjere merksam på at området ligg innanfor NVE sine aktsemdskart for skredfare (snø- og steinskred, samt jord- og flaumskred). Kommunen har elles ikkje merknader til søknad om driftskonsesjon.

*DMF kommenterer: DMF tek fråsegna til etterretning og føreset at tiltakshavar driv i medhald av godkjent reguleringsplan. Når det kjem til NVE sine aktsemdskart så viser vi til NVEs eigen høyringsuttalelse.*

**Møre og Romsdal Fylkeskommune:**

Det er søkt om driftskonsesjon for eit område på 6,9 dekar. Ved siste revisjon av driftsplanene er det berekna eit uttaksvolum på 50 000 m<sup>3</sup>. Forventa årleg uttak er 5000 m<sup>3</sup> masse. Råstoffet skal nyttast til muring, samt knusing til pukk og grus. Det omsøkte området er regulert til dagbrot/massetak i reguleringsplan for massetak og industri på gbnr. 93/1 og 93/2 i Bjørkedalen – Volda, datert 29. april 2010.

Møre og Romsdal fylkeskommune har ut frå sine ansvarsområde ingen særskilde merknader.

*DMF kommenterer: DMF tek fråsegna til etterretning.*

**Fylkesmannen i Møre og Romsdal:**

Området utgjer knapt 7 dekar, og førekomensten er primært fast fjell. Råstoffet skal nyttast til muring, samt knusing til pukk og grus. Omsøkte område er regulert til dagbrudd/massetak i reguleringsplan for massetak og industri, datert 29. april 2010. Uttaket er i drift i dag.

Fylkesmannen legg til grunn at tiltaket er i tråd med gjeldande reguleringsplan. Vidare ligg det føre nylig revidert driftsplan som set ei rekke krav til tiltaket. Vi legg også til grunn at verksemda drivast i samsvar med denne planen. Vi har ikkje merknader utover dette.

*DMF kommenterer: DMF tek fråsegna til etterretning og føreset at tiltakshavar driv i medhald av godkjent reguleringsplan.*

**Statens Vegvesen Region Midt:**

Visert til brev av 24.10.2019 frå Direktoratet for mineralforvaltning.

Statens vegvesen har ansvar for å sjå til at føringane i Nasjonal transportplan (NTP), statlege planretningslinjer for samordna bustad-, areal og transportplanlegging, vognormalane og andre nasjonale og regionale arealpolitiske føringar vert ivaretakne i planlegginga. Vi uttalar oss som forvaltar av riksveg på vegne av staten, forvaltar av fylkesveg på vegne av fylkeskommunen og som statleg fagstyremakt med sektoransvar på transportområdet.

Saka gjeld høyring av søknad om driftskonsesjon etter minerallova for Løset uttak i Volda kommune. Tiltakshavar: Rasmus Løset (enkeltpersonforetak).

Vi har ingen merknad til søknaden.



*DMF kommenterer: DMF tek fråsega til etterretning.*

**Norges vassdrags- og energidirektorat (NVE):**

Førekomsten består primært av fast fjell som skal nyttast til muring, samt knusing til pukk og grus. Det er estimert eit årleg uttak på om lag 5.000 m<sup>3</sup> og et totalt uttak på om lag 50.000 m<sup>3</sup>. Området ligg innanfor reguleringsplan Masseuttak/Industri GBR 93/1 og 93/5 – Løset, vedteken i 2010.

Område for masseuttak ligg innanfor aktsemdosmråde for skred, jf. NVE Atlas. Breiteig Fjordsenter har i rapport frå mai 2019 gjort vurderingar av reell skredfare, og konkluderer med at sannsyn for skred er mindre enn 1/100.

Masseuttak som tiltak er ikkje unntake Byggteknisk forskrift (TEK17). Sjå meir om dette i Direktoratet for byggkvalitet sin rettleiar Utbygging i fareområde kapittel 2.9.

Dette betyr at det vil vere naudsynt å dokumentere at uttaket stettar TEK17 sine tryggleikskrav, jf. § 7-3.

For tiltak i skredfareområde må tryggleiksklasse fastsettast, jf. TEK17 § 7-3, 2. ledd, første setning. Skredfarevurderinga dokumenterer tilstrekkeleg tryggleik for tiltak i tryggleiksklasse S1. Eventuelle tiltak med høgare tryggleikskrav krev sikring for å oppnå tilfredstillande tryggleik.

NVE har elles ikkje merknader i saka.

*DMF kommenterer: DMF gjør tiltakshavar merksam på NVE sitt høyringsfråsegn knyta til skredfare og krav i samband med dette. DMF viser til byggteknisk forskrift (TEK 17) sine generelle tryggleikskrav mot naturpåkjenningar, her underforskriftas § 7-3 om sikkerhet mot skred. Kommunen er planmyndighet og NVE er fagorgan kva angår skredfare. DMF føresetjar at tiltakshavar etterlever byggteknisk forskrift og den sitt tryggleiks- og dokumentasjonskrav kva angår skredfare. Vi oppfordrar vidare til tett og konstruktiv dialog mellom tiltakshavar, kommunen og NVE for å ta vare på omsynet til skredfaren i området. Ut over dette tek DMF høyringsfråsega til etterretning.*

**5. Korleis DMF vurderer søknaden om driftskonsesjon**

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m<sup>3</sup> masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkeren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse



til å drive førekomensten. I vurderinga av om det skal gjevast driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

### **5.1 Utvinningsrett**

Mineralførekomensten som skal utvinnast tilhører kategorien mineral som grunneigaren eig. Tiltakshavaren er sjølv grunneigar for konsesjonsområdet. Etter grunnboka er Tiltakshavaren heimelshavar til eideomen der konsesjonsområdet ligg.

Etter DMF si vurdering har Tiltakshavaren utvinningsrett til førekomensten.

### **5.2 Arealstatus for tiltaket**

Konsesjonsområdet har eit areal på kring 6,9 dekar og går fram av kart i vedlegg 1.

Omsøkt område er regulert til steinbrudd/massetak i «Reguleringsplan for massetak og industri på gbnr. 93/1 og 93/2 i Bjørkedalen – Volda», datert 29. april 2010.

### **5.3 Økonomien i prosjektet**

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk gjennomførbart.

### **5.4 Driftsplan**

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 6,9 dekar som søknaden gjeld. Det totale volumet fast fjell som skal takast ut er estimert til 50 000 m<sup>3</sup>. Det årlege uttaket vil variere med marknaden, men det planlagde uttaket per år er 5 000 faste m<sup>3</sup>. Det er planlagt drift i fire etappar. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting. Det ligg ikkje føre konkrete planar for etterbruk av området, men ved avslutning skal det området beplantas med bartre.

Etter DMF si vurdering kan den vedlagde versjonen av driftsplan for Løset masseuttak godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.



Dersom det under drifta oppstår nye situasjoner eller andre endringar i førese tradene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønsker å gjere vesentlege avvik frå driftsplanen, skal DMF godkjenne dette på førehand.

Underveg i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

### **5.5 Bergfagleg forsvarleg drift**

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

### **5.6 Kva kompetanse søkeren har til å drive førekomensten**

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Rasmus Løset som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomensten.

### **5.7 Miljøkonsekvensar av utvinninga**

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein godkjend reguleringsplan for uttaket.

#### *Vurdering etter naturmangfaldlova*

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og eigne søk i naturbase og artskart (giennomførte i oktober 2019) er lagde til grunn for vurderingane etter naturmangfaldlova i DMF si handsaming av søknaden. Det er ikkje kome fram opplysningar i vurderingsgrunnlaget som tyder på at uttaket vil kome i konflikt med naturverdiar i området. DMF reknar kunnskapskravet i naturmangfaldlova § 8 for oppfylt. Sidan uttaket ikkje vil ha nokon større verknad på naturmangfaldet og ein ikkje kan påvise at tiltaket vil påverke truga, nærtruga eller verdifull natur, legg DMF til



grunn at det ikkje er nødvendig å gjere vidare vurderingar etter miljøprinsippa i naturmangfaldlova §§ 9–12.

#### *Avrenning – vurdering etter forureiningsforskrifta § 30-6*

Det går fram av reguleringsplanen at tiltaket kan føre til avrenning til ein recipient. DMF minner om forureiningsforskrifta § 30 og plikta til å melde frå til forureiningssyresmakta ved oppstart av verksemda. DMF understrekar at tiltakshavaren har plikt til å halde seg innanfor dei grenseverdiane som er fastsette i § 30-6 av forskrifa.

På bakgrunn av det som er omtala ovanfor har DMF kome til at det ikkje finst faktorar knytte til miljø og kulturminne som tilseier at det ikkje skal gjevast driftskonsesjon eller at det er nødvendig å setje vilkår om avbøtande tiltak.

#### **5.8 Forholdet til omgivnadene og nærliggjande område under drift**

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Brotets ytterkantar mot sør, aust og vest skal vere sikra både ved drift og etter avslutting av eit permanent gjerde. Det skal i tillegg oppførast eit mellombels sikringsgjerde langs anleggsveg i samband med uttak av siste etappe. For å redusere frostsprenging i brotveggane skal det etablerast avskjeringsgrøftar ovanfor masstaket. Vidare skal det utførast reinsk fortløpande for å fjerne lause blokkar. Køyreveg inn i området skal vere avstengd med bom. Det skal te ein kvar tid vere skilte med varselskilt både ved avkjøring frå fylkesvegen og ved sikringsgjerdet rundt massetaket.

DMF har kome til at Tiltakshavaren sitt forslag til sikring av brotet er tilstrekkelig.

#### **5.9 Kva tiltaket får å seie for verdiskaping og næringsutvikling**

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeraåstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Ressursen vert nytta til uttak av steinblokker til muring, landbruksvegar og generell produksjon av pukk og grus.

#### **5.10 Langsiktig planlegging for etterbruk eller tilbakeføring av området**

Tiltakshavar legg i sin driftsplan opp til ei fortløpande tilbakeføring ved uttak av pallane. Ved avslutting av etappane skal det leggast ut avdekkingsmassar på hylla og oppetter bergveggen i ei stabil skråning. Etter uttak av siste etappe skal gropa i framkant fyllast med vrakmasser og eit toppdekke. Det skal beplantast med bartre innanfor heile uttaksområdet, også på hyllane.

Det føreligg ikkje noko konkret plan for etterbruk ut over tilbakeføringsplana skildra over.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.



## 5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

### 5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt. Formålet med økonomisk sikkerhetsstilelse er å garantere at uttaksområdet blir sikra og rydda viss tiltakshaver går konkurs eller driften stansast av andre ikkje-planlagde årsaker. Difor vurderer DMF økonomisk sikkerhetsstilelse som nødvendig.

Ved utrekning av størrelse har DMF lagt vekt på arrondering og rydding av uttaksområdet, samt sikring i form av både oppsetting av permanent gjerde og sikringstiltak i sjølve brotveggane. Det blir vidare lagt til grunn at beløpet skal dekke kostnadene ved å engasjere ei tredjepart for gjennomføring.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 440 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

### 5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

#### *Bankgaranti–oppstartsfasen*

DMF vurderer det som nødvendig at Tiltakshavaren, innan 2 månader etter datoén då konsesjonsvedtaket bleigjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er nødvendig for å ha tilstrekkeleg sikkerheit i oppstartfasen før fonda har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;



- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

#### *Individuell avsetjing, avsetjingsperiode og storleiken på avsetjinga*

Deretter skal Tiltakshavaren setje inn midlar på bankkontoen årleg fram til totalbeløpet på NOK 440 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 4,15 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 8 år, det vil seie NOK 55 000 per år. I søknaden er det rekna med eit uttak på 5 000 m<sup>3</sup>/år, tilsvarande om lag 13 250 tonn/år, noko som gjev ei årleg avsetjing på NOK 4,15 per tonn.

Innbetalinga for masseuttaket må vere avsett innan 1. februar året etter.

#### **5.11.3. Rapportering og dokumentasjon**

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphold.

DMF kan òg ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

#### **5.11.4. Justering av sikkerheita**

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

## **6. Kor lenge driftskonsesjonen gjeld**

Driftskonsesjonen kan reviderast etter 10 år.



Driftskonsesjonen fell bort dersom drifta ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekommst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

## 7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

### Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

### Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

### Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

### Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekommsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

### Rapportering

Tiltakshavaren skal sende årleg driftsrapport til DMF via «Min side» på [dirmin.no](http://dirmin.no).

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.



## 8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på [www.dirmin.no](http://www.dirmin.no). Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Maria Lautzien  
seksjonssjef

Marit Mia Bjørnstad  
rådgiver

*Dokumentet er elektronisk signert og har difor ikkje handskrivne signaturar.  
Sakshandsamar: Marit Mia Bjørnstad*



Vedlegg:

Konsesjonsområde.pdf  
Avtale om økonomisk sikkerhetsstillelse.docx  
Påkravsgaranti.docx  
Pantsettelseserklæring.docx  
Godkjent driftsplan.pdf

Mottakarar:

Rasmus Løset Nørdalsvegen 15 6120 FOLKESTAD

Kopi til:

Volda kommune	Stormyra 2	6100 VOLDA
Statens vegvesen Region vest	Postboks 43	6861 LEIKANGER
Fylkesmannen i Møre og Romsdal	Postboks 2520	6404 MOLDE
Møre og Romsdal fylkeskommune	Postboks 2500	6404 MOLDE
Norges vassdrags- og energidirektorat Region vest	Naustdalsvegen 1B	6800 FØRDE
Hilde B. Johansen Løset	Nørdalsvegen 15	6120 FOLKESTAD
Trygve Ludvig Helset	Nørdalsvegen 41	6120 FOLKESTAD
Ole Jørgen Grytten	Torevegen 19	6006 ÅLESUND
Aud Grytten	Torevegen 19	6006 ÅLESUND
Karl Anders Helset	Nørdalsvegen 36	6120 FOLKESTAD
Rune Løset	Stigedalsvegen 1856	6120 FOLKESTAD
Per Audun Leivdal	Korsvika 6	6006 ÅLESUND